

Gran festa per la strèda de la Dolomites

Acà 100 egn l'é stat enaudà la strèda che à portà l turism te noscia valèdes



La Mùsega da Vich e l'autoritèdes de paìsc ge à dat l benvegnù ai auti veiores che é passé sul stradon de la Dolomites.

En vender passà jun Busan l'é pontà demez na defiléda con 35 auto d'epoca per festejèr i 100 egn da canche l'é stat fat sù la Strèda de la Dolomites. Ence se l temp no l'era di miores en vender ai 11 de setember desvalives ghesé, ma

ence jent dal post, se à binà te piaz de Vich per veder duc chisc auto d'epoca: Ferrari, Bugati, Lancia, Porsche e Mercedes e a serèr sù chesta bela fila de auto, l'era ence na coriera senza ujes del 1938 piena de giornalisé. A ge dèr l

benvegnù sa Vich l'era la Musega del paìsc ensema con Alfredo Weiss, assessor a la cultura del Comun e Andrea Weiss diretor de l'Apt de Fascia. Anter chi che vidèa chisc auti veiores ma de gran valor l'era ence l campion de schi Kristian Ghedina regolà su co la braes de fustagn. Dò vèlch descors e vèlch sonèda i é jic duc a l'Alberch Andes per n picol aperitif inant de se tramudèr a l'Alberch Corona olache i é stac soranet. L viac é jit inant l di dò fin a Cianacei olache ge é stat dat l benvegnù da la Mùsega Auta Fascia e da l'autoritèdes de paìsc, n bon bicer a l'Hotel Dolomiti per dapò jir inant sul jout de Pordoi, Rèba e Cortina. 100 egn de strèda, 100 egn de storia che à portà l luster e l nonzech de noscia valèdes fora per dut l mond. (lr)

